


Aolayut-enmigut Inuit, Nunaliit ovani Nunatiami – Tamakmik Monaigyat Nunatiap Kavamait Oktutit Opalongaiknik Piksa

Pikatigiiklotik Monagiokhat Noitayukhat:



Inuit

- Kinatli
- Elagiiit
- Inukakniit
- Manikhiongiiit
- Ekayukpakotot
- Kavamaongiiit
- Katimayiiit
- Elitkohiiit ovalo
- Kinaoyut
- Okpingayut

Manilioknik

- Kavamat Havakviit
- Nanminikaktot
- Hanaviit

Hila

- Nuna
- Emmak
- Hogaat
- Hila

Kavavat

- Hamlatkoni
- Kablonangogiiit
- Maligaliokvik
- Kavamatokat Kanatami
- Nunat ovalo Ahinit Nunat

Ehohmayait okoa 15th Maligaliokvikimi:

Elikoliklotik inuit ovalo elagohigiit manilioktipkalogit ovalo inuhikatialigiangitni emikhimaitomik inuit nunaliit ovalo manilioligiangitni ovalo pikatigiiktokhat nunatiami.

Atovialuktut Elitkohit:

Okoa atovialuktut elitkohit maligoagotaoniaktot havaaligiiligit Nunatiap Kavamaita.

Elikoligiaptiingni:

Okioktaktomiot inuit, elagiiit kavamatlo hanalgotikaktot ovalo manikhhotik aolayamingni ovalo elikot inulaktot ovalo enmigut aolayumagomik piinagiakaktot.

Pannagiiklotik:

Havakatigiligit allat inuit pikatigiiklotik piomayatik pilaktait ovalo piomayatik pivalianiaktait Okioktaktomiot aghogomik.

Maniyyaktaililolitik:

Manitik taototialogit homongaovaktot, ehoaktomik ovalo nakooyumik engilgatjutaoyukhat maniiit takokhaolotik ovalo noitalotik.

Ehohmagitiiklotik:

Ehohmagitiiklotik noatkativut nunaptingi, ehohmagitiiklotik, itkaomalogit, ovalo ehoinaktaitaililigit elitkohiptigoktot nunakput kayagittokologo.

Naonaiklogit:

Ekayuklogit pivaliyukhat hakogikhiyami inuit, elitkohiligit ovalo nunap naonaitkotait.

Kayagitiaktokhat:

Ehohmagitiiklotik-nakooyumik ehoaktomik, atogominaktomik, takokhaoyunik, ovalo engilgatiaktokhanik, ovalo kavamat pittiaktokhat nunami ayoinikot ovalo pittiaktokhat.

Hivoliyuktot:

Hivoliyukhat naonaiktot hamani hivitonitkiat hamani aolaniaktomi kavamatkoni. Hapkoa tamaita atoktokhat havaotaolotik opalongaiaotini, elagoheeni, nunalikni, nanminikaktomik havakviknik, okoalo kavamatkot pikatigiiklotik havakniaktot ovalo havaatik hivomokpaliayangitni.

- Ekayuklotik inuknik enmigoligiangitni inuit – ovalo atokoyavut, elagohiknot ovalo nunaliit monagiyaakhat**
 - Ovaptiingni ayogiaptiingni – ehoakhiiligit elihaknit nutakpatingnot enikniknotlo;
 - Igloiioknik ehagianaktot iglonikviginahokologo – igloiioknik atongonaktot ovalo inuit igloiiokpalakpakot;
 - Inuhivut ehoaktomik inunahoklota – emigoiyagahoklota inuhivut nakooyumik emigoigopta inuligiaptiingni; ovalo
 - Noatkativut nunaptingi inuhikotiaktokhat – aivaklogit nutaat atogakhat nunani kavamanit.
- Aivaklota ehoaktomik inutjutiinik Kavamatokanik ovalo Kablonangogiiit kavamanit**
 - Neangijutiinik pinahoklogit okioktaktomit maniliogitni – eniktokhat nuttokhat kavamat ovalo maniliokviit angigotit Kanatami kavamatokanik;
 - Eniktiklogit enikhimaitot havaat – enikpiaklogit enikhimaitot nunataagotit, oyagahiogotit ovalo nanminikot kavamanigiami angigotit; ovalo
 - Aivaklota, okoatigut nuttiginikot havaakhat, atanioliliklotik okioktaktomiot kavamat maligalioknikot – eliogaklogit nakooyut aolatjutiinik atogakhat.
- Aghokvigilogo maniliogitkupt ovalo iglokpiogitkavut**
 - Allatkeetigut maniliogahoklota – ekayuklogit mikkait nanminikaktot havakviit, honanik naotteeyut ovalo ikalukhiolokaktot, ovalo angiligiilokologo polaktolikinik;
 - Maniliogitkhat neovaaviit angiligiiligit – ehoakhiiligit aolaktait ovalo nunani iglokpaitlo apkotit ehoakhiiligit;
 - Akitovalaaktot inuyami nunaptingi akighiligiagahoklogo – nalvaakhioklona akikitiatigut aolaktajami, atoktakhat, tohatjutiit, ovalo nunalo akighivaligiagahoklogo; ovalo
 - Manilioktippaaligiagahoklogit noatkativut toghoaligiagahoklogit – Okioktaktomiot ayoiikhimayukhat ovalo maniliogiangitni toghoakmik havakvata oghokyoap engilvavikha ovani Mackenzie Valley-mi.
- Nuna hila kayagitiaklogo**
 - Kayagipkalogo hilakput, emaotikput, nappaktokaknik, ovalo nunalo – havagiligit monagiligit pivaliyakhat oyagahioktoni ovalo naokataktomik hogaat maniliogit;
 - Hanalota ehoaktomik ovalo manitokpalaknaitomik kulikutikaklota – halumanikot akikittokot kulikutikaklota, kuliknik ekomavalakolota; ovalo
 - Halumaktiktokhat halummaiktaohimayut nunat hamani NWT-mi – Aghoklogit kavamatokat halumaktiklogit nunat halummaiyakhimayait kilamik ovalo nammakhaklogit nunat pinnihaktokhat halumaligomik.

Havakhat:

Kaffit havakhat naonaiktaoyut ovani Oktutimi Opalongaiaotmi halummaiktot hivoliyuktokhat.

Apigivikhat Kavamat Havakhanik Opalongaiaotit:

